

O LE SULU SAMOA



EKALESIA FAAPOTOPOTOGA KERISIANO SAMOA
O LE NUSIPEPA FAA-LE-LOTU NA FAAVAEINA I LE T.A. 1839



FAAVAEINA 1839 O LE SULU SAMOA MATI 2026

email: sulusamoa@cccs.org.ws -Main Office: Ph. 24414, Ext 29 - website: www.cccs.org.ws

OATA LEIATAUA FS & TUAFALE
@ EFKS FAIAAI



SEMIKUEVA SU'A & FLORENCE
@ EFKS MATAUTU, FALELATAI



MALUAPAPA SOLIPO NIULESA FS
& MARY-ANNE @ SAVAIA TAI



PUPULA SATAURO KERISO
EFKS FASITOO-UTA



O LE FAASINO UPU

1. O LE LAUGA	2
2. FAASA'OGA - EFKS SAANAPU TAI	3
3. OSIGA FEAGAIGA EFKS FAI'A'AI	4
4. OSIGA FEAGAIGA EFKS SAVAIA TAI	4
5. PUPULA SATAURO KERISO MALUMALU EFKS FASITOO-UTA	5
6. I'UGA SU'EGA KOLISI A LE EFKS	8
7. OSIGA FEAGAIGA EFKS MATAUTU FALELATAI	13
8. O E UA MALILIU:	14
<i>i. SAOFAIGA T. REUPENA FATIALOFA</i>	
<i>ii. LEITUALA MARINA TAFU SAGALALA</i>	
9. ATA O TALA LOMIA	16

O LE LAUGA

Tusi Faitau: Roma 1: 1 – 17 (*Aso Sa, 1 Mati 2026*)

Matua: Roma 1: vaega o le fuaiupu e 16 ma le 17 e faapea, “*Auā ou te lē mā i le talalelei ia Keriso, auā o le mana lava lea o le Atua e ola ai i latou uma o e faatuatua, auā ua fa'aalia mai ai le amiotonu a le Atua i le faatuatua ina ia faatuatua ai.*”

Manatu Autu: *O le Mana o le Talalelei.*

O le talalelei o le tala manaia, o le tala fiafia e fia faalogo ai, e faaliliuina mai le upu Eleni o le “**euangelion**”; **eu** means good, well etc, **angelia** means message. A manumalo Israelu i se taua, fai mai e momo'e le avefeau e momoli le tala fiafia lea i le tupu ma le nuu o loo tapuai mai i fanua, lea e fai mai ai Isaia, *E matagofie i luga o mauga vae o le aumai le talalelei.* O le talalelei na logologo mai e i latou na mua i malae, i augatamā sosoo mai ma perofeta, lea lava na faataunuu i le fanau mai o Iesu seia oo ina maliu i le satauro mo tatou. O le tala fiafia lea mo le lalolagi uma, o le tala o le faaolataga ua tauamionuina ai le tagata agasala.

Le talalelei lea ua fai ma mitamitaga o Paulo, auā o le tagata ua lē toe solomuli lana molimau, ua lē toe faatafa ua talitonu ma le atoatoa o le talalelei ma lona mana na te maua ai le ola, na liliuina foi lona olaga mai le tuai, e fai ma fou ina ua filifilia e fai ma vaa ma ipu o le talalelei i nuu ese, ua lē toe aveva o se faaosala ma le sauā i le au kerisiano pei ona sa i ai muamua.

Ua ia matua fofola atu ia Roma le talalelei, ua fa'aalia ai le amiotonu a le Atua e ala ia Iesu Keriso, le amiotonu ua tauamionuina ai i tatou e ala i lona maliu ma le toetu. O le mana lea o le talalelei e mafai ai ona latou maua le ola i tala atu o le oti. Ua naunau lava le Aposetolo, sei faailoa atu i le auuso Kerisiano o i Roma o ia o le auuana, o le pologa a Keriso le faavae o le talalelei. O le amiotonu a le Atua ua faailoa mai i le lalolagi, ma ua oo lava i le satauro, ua faamagaloina ai le lalolagi agasala.

Manaia tala ua aave mai i le faatuatua o le au paia i Roma, a o le faamanatu a le aposetolo ia tutumau, ia savavali i le talalelei o le ala tonu lea mo i latou, ma ia iloa pau lea o le malosi ma le mana latou te maua ai le ola ua na o le talalelei ma le Alii o Iesu Keriso. Auā o Roma e tele le mau ituaiga ma talitonuga eseese e ono faalavelaveina ai lo latou talitonuga i le Talalelei.

E leai se isi malosi na te mafaia le tulaga lea, o malosi uma o le poto ma le atamai e gata i tala mai o le tuugamau, pei foi o tusitusiga a Ioane latou, na ia lu'iina ai le mafaufauga faaEleni, a maua le atamai faaEleni ua maua le ola, a e fai mai Ioane e tasi a le ala ua na o Iesu Keriso le Atua ua liutino tagata, o la lea ia talitonu i ai. O ia lea o le ala i le ola pe a tatou faatuatua ia te ia.

Ua ta'u atu e Paulo o le malosi o le talalelei lea ua fai ma ona faamoemoe e na te maua ai le ola. Manaia upu a Paulo, e lē mā i le Talalelei o le malosi lea e maua ai le ola auā ua fa'aalia mai le amiotonu a le Atua. O loo molimau pea, e momo'e pea seia tuu mai ia te ia le faailoga e faagalologo i mea ua tuanai a e momo'e punouai mo le lumanai.

O le isi itu taua o le talalelei o le malosi lilo a le Agaga Paia na te faamaite ma molioo i loto uma. Ua tatou molimauina i lo tatou olaga i aso uma. O le ala foi lea o le tautala o Paulo ma le lē maluelue o lona talitonuga i le Keriso Toetu. Tele luitau na feagai ma ia i lana galuega i nuu ese; na sauaina ma amusia na afatia i le tele o ana malaga a e na ia lagona le galuega a le Agaga Paia na manuia ai ana taumafaiga.

Ua matua sasa'a atu e le Aposetolo lana mataupu silisili, o Le Atua o le amiotonu na o ia lava, o ia ua tauamionuina ai le tagata e ala ia Iesu ma lona toetu mamalu. O le a le pitolaau a le tagata? Tau lava ina faatuatua ona ola lea. Ioe, e faigofie tau lava o le

faatuatua a ua uma ona faia e le Atua mea uma e ala i le maliu ma le toetu o Keriso. O le mana lena o le Talalelei e le mafai e se isi malosi ona avatu tatou i le ola e faavavau ua na o le Talalelei.

Faatatau:

E leai se isi malosi na te mafai ona avatu tatou i le ola ua na o le talalelei a Keriso pe afai e faatuatua i ai le tagata. O le pitolaau lea a tatou, o le talia i le loto ma fua mai le olaga i fua lelei. O a mai lau molimau i le Talalelei? E lei uma lau tamoega e le uma galuega mo Keriso ma le talalelei, o tatou tofiga o tofiga paia mai le Atua ia faia ma le mata'u, e le o se sei e tuu i le taliga pe taga i le ie sei tulou, a o tofiga e galue mo Iesu ma lana Talalelei.

Tatou faafetai i le Atua ua fa'aalia mai lana amiotonu e ala ia Keriso ua tauamiotonuina ai i tatou pe afai tatou te faatuatua, faigofie na o na ta'uta'u i lou gutu o Keriso ma talia i lou loto e te le tau alu mamao e saili, tau lava ina e talia o Ia i le faatuatua (justification by faith). E ese mai le manatu o le aposetolo o Iakopo o galuega o le faailoga o le faatuatua; e sa'o uma manatu ia e lua, a faatuatua ua fai mea lelei mo le Atua.

O le mana foi o le Agaga Paia na mafua ai ona tupu le talalelei ma soo ai le lalolagi. O le malosi lea o loo faamaite i lou soifua auauna ma le tautua i le Atua ma lona finagalo. Ua e fai mea lelei ma tautua lelei, ua e faitaulaga, ua e fafaga ma faainu i le aufaigaluega a le Atua, ua e alofa i lou uso a tagata, ua e fai mea sili ma faamuamua le lotu. Aisea? O le galuega a le Agaga e galue pea o fua o lou faatuatua. Ia tatou ola pea ma le mautinoa, o le malosi o le talalelei e oo atu i tala atu o le oti. E tauamiotonuina i tatou i le faatuatua. Ona o Iesu. Amene.

Saunia susuga Momo'e Gagaeolo FS
EFKS Si'unuu, Pulega Falealili
FALEALILI SAFATA SIUMU

O LE FAASA'OGA,
FAAMOLEMOLE!

I le Sulu Samoa Fepuari 2026, itulau 4, o loo tusia ai le tala o le osiga feagaiga a le EFKS Sataoa-tai. O le Faasa'oga, e le o Sataoa tai, a o le **EFKS Saanapu-tai**, ma lo latou faifeau, susuga Leuelu Setu FS & Panorama. Ua toe lomua faalua ai nei, lea tala i lona faasa'oga. E faatoese atu i le susuga faafeagaiga ma le faletua, le paia o le Ekalesia ma Aulotu o aafia ai. Ma le fa'amaulalo tele. **F.Tolua.**

FAASA'OGA - OSIGA FEAGAIGA
EFKS SAANAPU-TAI

O se tasi o osiga feagaiga na faataunuuna i le masina o Fepuari, o le feagaiga i le va o le EFKS Saanapu-tai, ma lo latou tofi le susuga Leuelu Setu FS ma le faletua ia Panorama, sa faia i le Aso Faraile 13 Fepuari. O le susuga Leuelu na i'u mai Malua i le tausaga 2018, e lua tausaga na a'oa'oina ai i le Kolisi Faafaiifeau a le Pasefika i Fiti, ona galue ai lea o se Faia'oga o le Kolisi Faafaiifeau i Malua. Na faau'uina e avea ma Faifeau Samoa i le 2023. O ona afioaga o Luatuanuu ma Satupaitea, a o le faletua ia Panorama o le lupe faalele a aiga ma le afioaga o Utalii. Na ta'ita'i le sauniga e le Toeaina o le Pulega Safata & Siumu, susuga Kereta Fuafiva FT. O le Tusi Paia na faitauna e le susuga Tanuri Pesaeli FS (Tafitoala), o Tatalo na saunia e le susuga Denny Epati FS (Saanapu-uta) a o le Lauga na saunia e le susuga Feata Perelini FS (Lotofagā). O le failautusi o le Pulega, susuga Tuia Peseta FS na ia tolaulauina tiute faasinotonu i le Faifeau faapea le Aulotu, o Taiala Faaleagaga a le Pulega ua 92 tausaga; ona sainia ai lea o le Pepa Faamaonia o le feagaiga ua osia - o se faiga e faapitoa lava i lea Pulega, ae le o se faasinoga a le Tusi Failotu, Ia Viia Lou Suafa.

O le afioaga ia Leaana Posini na fai ma sui o le Aulotu e molimau i la latou faiga filifiliga, na ia ta'ua ai o le Faavae o le latou nuu, talu mai le tausaga na faatua ai le Lotu, o le faifeau lava e finagalo i ai tamalii o le afioaga, o lena lava o le a tofia. Peitai o lea ua fai le suiga, na faatu mai ai faifeau e 14 na fautuaina e Matafale, ma fai ai le palota. O le uluai faia'oga Malua lena ua latou filifilia. Na ia faafetaia foi le Toeaina Penisione sa tausua le galuega, susuga Roma Enosa FT ma le faletua. O Leuelu ma le faletua, ua sui tulaga atu i Saanapu-tai, ina ua penisione le susuga Iakina Alefaio FS ma le faletua ia Roina i le 2024. Na saunoa foi le susuga Leuelu e tusa o lo la'ua taliaina o le valaau, na maualuga le agaga faafetai i le Atua mo lana tofiga, e ala i le Ekalesia i la latou faatofalaaiga ua afe ane ai ia te i la'ua mo le tausiga o le galuega. O i latou na valaauina e faatalofa ma faamanuia aloaia i le faifeau ma le faletua, e aofia ai Fili Si'a FT, Apineru Tanielu FT, Tunumoso Iosia FT, Taveuveu Tuatagaloa TT, Letone Uili FS. Na silamalo foi le faapotopotoga i le IE o le Feagaiga na saunia e le Ekalesia. Ona faaii lea o le sauniga i le Talisuaga Paia a le Alii, na ta'ita'i ina e le faafeagaiga taulagi filifilia. Ia manuia le galuega. **(F. Tolua)**

OSI FEAGAIGA EFKS FAI'A'AI

O le osiga feagaiga a le EFKS Fai'a'ai ma lo latou faifeau, susuga Oata Leiataua FS ma le faletua ia Tuafale, na faataunuina i le Aso Lulu, 18 Mati 2026. O le Toeaina o le Pulega Salega, susuga Aokuso Taumate FT (Samata-tai) na ta'ita'iina le sauniga mamalu, sa auai ma molimauina e Toeaina o le Matagaluega Faasaleleaga (Komiti Faatonu ia Leaso Tupa'i FT - Pulega Palauli, Tesimeta Afamasaga FT - Pulega Safotulafai, Fiafia Toleafoa FT - Pulega Amoa), faapea foi Misipalauni Faatau FT - Komiti Faatonu Faleata, Fili Si'a FT - Komiti Faatonu Malua, Uta Muaulu FT - Pulega Malua Sisifo, ma le aufaigaluega a le Pulega Salega, o le paia o aiganalua ma le afioaga i Faiaai. Sa auai foi le Toeaina Penisione ia Faasavala Leilua Tinai FT, sa galulue talu ai nei i Fai'a'ai ma le faletua ia Lina.

O le Tusi Paia na faitauina e Sooula Epati FS (Fagafau), o Talosaga na saunia e Mose Malaga FS (Salailua) a o le Lauga na saunia e Ionatana Tupolo FS (Vaipu'a). Sa molimau le sui o le Aulotu, le A'oa'o Fesoasoani ia Tuisalega i la latou faiga filifiliga, e na o Oata lava le suafa na faatuina atu. Sa saunoa foi le susuga i le faifeau e molimau i le la talia lelei ma le faafetai o le valaau atu a le Ekalesia i Faiaai.

O le susuga Oata na ulufale i Malua i le 2019 se'ia oo ina faauuina i le 2022. Ona galue lea i le EFKSTV mai le 2023, faapea la la'ua tautua o le A'oa'o Nofu Aiga i le EFKS Faleasi'u, e oo mai i le taimi na valaau atu ai le Aulotu i Faiaai. O le Fono Tele 2025 na faauuina ai i la'ua i le tofi Faifeau Samoa, ma valaauina ai e le EFKS Faiaai i le masina o Setema o lena tausaga. O ia o se lupe faalele a aiga ma afioaga o Faleasi'u, Tanugamanono ma Manono; a o le faletua ia Tuafale o se taulaga soifua a aiga mai le afioaga o Sagone.

Na tauluga le sauniga i le Sakarameta o le Talisuaga Paia a le Alii, na ta'ita'i e le Toeaina susuga Aokuso Taumate FT. Na folasia foi le IE o le Malo, na saunia e le Aulotu i Faiaai, e pine faamau ai le feagaiga ua osia, faato'a tatala pe a aulia tausaga tapulaa e 70 o le soifua galue o le faifeau, po o se isi mafuaaga tataua e tusa ma le Faavae o le Ekalesia, aemaise le valaau paia ma le pule faitalia a le Ao o le Ekalesia. Ona afe lea o le Taitai o le Sauniga ma le Pulega, le mamalu o Toeaina ma Faletua, le aufaigaluega ma le toatele na auai, i le taumafataga ma fa'aalologa faaleaganuu e masani ai. Faafetai le osi taulaga. Ia manuia le galuega ua valaauina ai, ma ia i le Atua le viiga.

OSI FEAGAIGA EFKS SAVAIA-TAI

O le Aso Faraile, 20 Mati i le 8.00 i le taeao na osia ai le feagaiga a le EFKS Savaia-tai, Lefaga ma lo latou faifeau susuga Maluapapa Solipo Niulesa ma le faletua ia Mary-Anne, mai le afioaga o Vailima. Na a'otauina Maluapapa i Malua i le 2020 - 2023, a o galulue ona matua ia Solipo Niulesa ma Lile o teutupe (bursar) a le Kolisi Faafaiifeau (ua maliliu uma). E valaauina e le ekalesia i Savaia o galulue i la'ua o A'oa'o Nofu oiga i le EFKS Avondale. O le Toeaina o le Pulega Lefaga & Faleaseela, susuga Tuitoga Leota FT na ta'ita'iina le sauniga mamalu, na auai le afioga i le Ao Mamalu o le Malo, afioga Tuimalealiifano Va'aleto'a Sualauvi II, faapea Toeaina ma Faletua o le Matagaluega Aana, le aufaigaluega a le Pulega Lefaga faapea foi nisi toatele mai Matagaluega i Niu Sila.

O le Tusi Paia na faitauina e Viliamu Su'a FS (Matautu-uta) a o le Lauga na saunia e le Failautusi Pulega Lefaga & Faleaseela, susuga Keneti Leaupepe FS. O le A'oa'o Fesoasoani ia Leapai Vave na molimau i le latou faiga filifiliga sa faia i faifeau ma a'oa'o e to'a 5, na i'u ai ina fulisia ia Maluapapa; ma e ui ina sa ta'ua mai o loo i Niu Sila le faifeau, a e sa le'i toe suia ai la latou faatofalaaiga i le talitonuga, o le tofiga lea mai le Atua. Na ia toe ta'ua ai le tala faasolopito o le ekalesia i Savaia na faavae i le 1835, ma e oo mai nei ua 5 isi ekalesia na tupuga atu i Savaia nei. Sa tali fuaitau foi le susuga i le faifeau i le agaga faafetai i le Atua mo Lana tofiga, i le aulotu i Savaia mo le latou faatofalaaiga, mo aiga i la latou tapuaiga ma le lagolago, faapea uo ma paaga i le Tala Lelei. Sa ia ta'ua faapitoa nai ona matua ia Solipo ma Lile i la la'ua galuega tele na faafailele mai ai, a ua le aulia mai e molimau lenei aso taua.

O Toeaina o le Matagaluega Aana na valaauina latou te faae'e aao i luga o le faifeau ma le faletua ao faia le tatalo e faamanuia ai le la'ua galuega, ona faatalofa atu ai lea ia te i la'ua ma saga faamanuia. O le aulotu i Savaia na saunia le IE o le FEAGAIGA, sa folasia i luma o le faapotopotoga, a o faagasolo le sauniga. O Maluapapa ma Mary-Anne ua fa'aauu le galuega i Savaia ina ua tatala le feagaiga ma Clay Tofilau FS i le 2025, a o tua atu sa galulue ai le Toeaina Penisione ia Poka Maua FT (ua maliu) ma le faletua ia Malo. Na faai'u le aso i le taumafataga ma fa'aalologa faaleaganuu na saunia e le Aulotu ma Aiganalua, sa tu tootoo ai le Tofa Leapai Vave. Ia manuia le galuega i lau susuga le faafeagaiga ma le faletua. **(F.Tolua)**

FAAPA'IA MALUMALU FOU, PUPULA SATAURO KERISO,
EFKS FASITOO-UTA

“Le Atua o lo matou olataga e, e te tali mai ia te i matou ma le tonu i mea mata’utia; o oe le faatuatua o tulu’iga uma lava o le lalolagi, atoa ma e o mamao i le vasa.” (Salamo 65:5)

O le mana’o ua taunuu, o le laau o le ola lea. E maualuga leo o viiga o le Atua na faalagilagi ma faalupelupe i le afio’aga o Fasitoo-uta, i le afio o le Aiga Satuala, susuga Aiono ma le afioga Leaupepe ma Toleafoa ma Su’a, faapea le mamalu ia Ape, oulua na ta’i ma le Falefitu; aemaise i totonu o le EFKS Fasitoo-uta, i le susuga i le Toeaina Uta Muaulu FT ma le faletua ia Feula Pesaleli-Muaulu, susuga i faifeau ma a’oa’o nofo aiga, a’oa’o fesoasoani ma tiakono, ma o latou faletua, le paia lasilasi o le ekalesia i ona tulaga faalupe, ina ua tu le failā, ua mae’a le galuega tele na fausia, o le malumalu fou le PUPULA SATAURO KERISO. O le Aso Tofi 26 Mati na faia ai Taalolo, na tatala e le Matagaluega Malua, sosoo ai ekalesia ma afioaga mai Vailoa Palauli o le Toeaina ma le Faletua, faasolo atu ai i aiga mai Salelologa, seia faai’uina ai lea aso muamua i taulaga osi e ala i Taalolo.

O le Aso Faraile 27 na faia ai le Sauniga e Faapa’iaina ai le malumalu. O le sauniga na faatumulia i le mamalu o le Ekalesia Aoao, le Laulau a le Fono Tele, o Toeaina ma Faifeau ma Faletua, o le au Penisione, o le susuga i le Porofesa Pule o le Kolisi Faafaifeau Malua, le Matagaluega Malua aemaise le Pulega Malua Sisifo, o lupe faalele ma taulaga soifua a le ekalesia. Sa faapea foi ona auai le mamalu faalemalo, i le afioga i le Ao mamalu o le Malo Samoa, le Palemia ma sui o le Kapeneta ma le Palemene o Samoa.

O le faasologa masani lava o faasino e le “Ia Viia Lou Suafa” na lima ta’ita’iina ai le sauniga. O le lipine na ‘o’oti e le faletua o le Taitaifono Fono Tele, afioga Seira E. Lesa. Ona tauaao lea o Ki o le malumalu e le afioga i le Matuaofaiva (Sui o le Zheng Construction), ona tatala lea o faitoto’a ma ulufale le faapotopotoga mo le tapuaiga. O le Komiti Faatonu o le Matagaluega Malua, susuga Fili Si’a Matalavea FT na ta’ita’i le sauniga, o le Tusi Paia na faitauina e Seti Seti FS, o Tatalo na ta’ita’iina e Faraimo Tiitii FS, o le Lauga na saunia e Tavita Pulu FS, a o le Talisuaga Paia na faai’u ai le sauniga, na ta’ita’iina e le Toeaina ia Uta Muaulu FT. O le afioga ia Hon. Leaupepe Toleafoa Faafisi na saunoa e faafeiloa’i le paia maualuga o le faapotopotoga, a o le afioga ia Aiono Tile na saunoa i le Tala o le Galuega ma le ootootoga o Tala o Tupe, Saofaga ma Ofo.

O le afioga i le Taitaifono Fono Tele, susuga Enefatu Lesa FT na ia saunoa fai ma sui o le Ekalesia Aoao e faafetaia le galuega tele sa feagai ma le susuga i le Toeaina ma le Faletua ma le paia o le Ekalesia i Fasitoo-uta. Ua iloga le faatuatua ma le alolofa moni ia Iesu Keriso, ua osi taulaga ai e ala i le malumalu fou mo tapuaiga i le Atua. E le taumateina foi le faamanuia a le Atua e toe faatutumuina ai le malosi ua fa’aaoga, e pei o la le aposetolo, “e le se mea faaleaoga lo outou tautiga i le Alii.” 1 Kori 15:58. Ona ia tauaao lea o le meaalofoa a le Ekalesia Aoao e tusa ma ana faiga faavae, e \$20,000.

I le Tala o le Galuega, na ta’ua ai e le afioga Aiono Tile e faapea, o le tausaga 2019 na amata ai ona talanoaina le faamoemoe mo se malumalu fou. O le 2022 na faatuina ai le saofaga amata a matafale e \$10,000 i le 3 tausaga. O le Aso Sa Tama 2023 na faia ai le sauniga mulimuli i le malumalu tuai, ma lona tuuina ifo i lalo. O loo i ai le Maa ua saunia o tusia ai suafa o le aufaigaluega uma sa galulue mai le 1926 - 2026 (100 tausaga). O i ai foi le Pusa tioata o i lalo ifo o le Pulelaa, o tusia uma ai suafa o le ekalesia o i ai nei.

TALA ATOA O LE TAU O LE GALUEGA:

- | | |
|---|----------------|
| 1. Konekarate
(Zheng Construction) | \$3,592,872.77 |
| 2. Totogi o Auaunaga Tetele
(EPC, SFESA, LTA, PUMA) | \$43,000.00 |
| 3. Ata Tusi o Faamalama
(Interior Stained Glass) | \$153,169.00 |
| 4. Faatotogaina Totonu o le Malumalu
(Koluse, Logo, Pulelaa & La’o’ai) | \$53,700.00 |
| 5. Nofoa (foam seating) Ie Faamalama
Moli Tioata (Chandeliers) | \$188,783.28 |
| 6. Pa o le Falesa (Fence) | \$110,000.00 |
| 7. Pakaga & Pa Piliki Togalaau
(Car Park & Brick Wall) | \$151,082.98 |
| 8. Logo Falesa (Church Bell) | \$43,501.85 |
| 9. Masini Faaleoteleleo (PA System) | \$18,829.00 |

AOFAIGA ATOA O LE

TAU O LE GALUEGA **\$4,354,938.88**

Na ta’ua e le Komiti, o lenei Tau atoa o le galuega, ua uma ona totogi; e leai se Aitalafu o i ai. Malo galulue mo le Alii. Ia viia lona suafa e faavavau.

OFO MO LE MALUMALU, PUPULA SATAURO KERISO

<u>SUAFA</u>	<u>OFO</u>	<u>TAU</u>	<u>AOFAIGA</u>
1. Susuga Uta Muaulu FT & Feula & Fanau	Faamalama Pulelaa Laitiiti Faamalama	\$8,000.00 \$2,000.00 \$2,000.00	\$12,000.00
2. Susuga Saitumua FT & Rosa Tafaioalii (USA)	Logo (& leipa)	\$43,501.85	\$43,501.85
3. Leaupepe Toleafoa Faafisi, Naoupu & Fanau	Moli (Chandeliers) Ata o le Faitoto'a Car Park&Pa Laau	\$70,383.28 \$9,169.00 \$151,082.98	\$230,635.26
4. Osooso Gafa (Aiono Tile, Ainiu & Fanau)	Pulelaa Tele & Koluse 8 Faamalama @\$1000	\$27,000.00 \$8,000.00	\$35,000.00
5. Leaupepe Niu, Malelega & Fanau	La'o'ai & Nofoa	\$18,000.00	\$18,000.00
6. Letagaloa Pita, Aiono Fanaafi & Fanau	Masini Faaleoteleleo (PA System)	\$18,829.00	\$18,829.00
7. Aitogi Taulapapa & Fanau Uso Taulapapa & Victoria	Ata Tusi Toetu & Faamanatuga 2 @ \$6,000	\$12,000.00	\$12,000.00
8. Aiono Fagataele, Lafitaga ma Suli o Aiono Sua Mataia	18 Faamalama @ \$1,000	\$18,000.00	\$18,000.00
9. Leaupepe Tootai (Leaupepe Helen)	10 Faamalama @ \$1,000	\$10,000.00	\$10,000.00
10. Aiono Saolotoga, Fogavai & Fanau (Leaupepe Satui)	2 Faamalama @ \$1,000	\$2,000.00	\$2,000.00
11. Fuamatu Maposua & Papalii Naomi	2 Faamalama @ \$1,000	\$2,000.00	\$2,000.00
12. Aiga o Faletutulu	8 Faamalama @ \$1,000	\$8,000.00	\$8,000.00
13. Pule Maufoe, Faafou & Fanau	2 Faamalama @ \$1,000	\$2,000.00	\$2,000.00
14. Leauga Talafou & Tuitaoa	Faamalama	\$1,000.00	\$1,000.00

<u>SUAFA</u>	<u>OFO</u>	<u>TAU</u>	<u>AOFAIGA</u>
15. Faaleao Ionatana Talafou, Tanya & Eternity Gray	Faamalama	\$1,000.00	\$1,000.00
16. Leaupepe Farani	Faamalama	\$1,000.00	\$1,000.00
17. Papalii Suemalo Gafa	Faamalama	\$1,000.00	\$1,000.00
18. Papalii Tiperia Gafa	Faamalama	\$1,000.00	\$1,000.00
19. Fanau a Gaseilevao Faletolu	Satauro & Pine EFKS (Logo)	\$6,700.00	\$6,700.00
20. Mafutaga Tina EFKS Fasitoo-uta	Nofoa & Ie Faamalama	\$111,200.00 \$7,200.00	\$118,400.00
21. Autalavou Matutua & Autalavou Laiti	Pa o le Malumalu	\$110,000.00	\$110,000.00
<u>AOFAIGA O OFO</u>		<u>\$652,066.11</u>	<u>\$652,066.11</u>

SAOFAGA A VAEGA O LE EKALEZIA

1. Mafutaga a Tina	\$477,903.70
2. Mafutaga a Tama	\$10,000.00
3. Autalavou Matutua	\$185,491.00
4. Autalavou Laiti	\$10,329.10
5. Faiaoga & Aoga Aso Sa	\$25,000.00
6. Aufaipese	<u>\$12,293.30</u>
AOFAIGA	<u>\$721,016.10</u>

ASIGA O LE GALUEGA

1. Aiga Susuga Uta & Feula Muaulu	\$32,000.00
2. Aiga i Pouniu Fasitoo-uta	\$10,000.00
3. Pulega Malua Sisifo	\$10,000.00
4. Fata Pemitā & Aiga (Saula Manuele)	\$5,000.00
5. Rev Peteru & Vaasiva (EFKS Lepale)	\$5,000.00
6. Hon. Toelupe Sua Pou Onesemo	\$1,000 & Povi
7. Kolisi Faafaifeau Malua	\$500 & Taumafataga
8. Rev Iona Paniani & Faletua	Taumafataga

FESOASOANI MAI MAFUTAGA NIU SILA & AUSETALIA

1. Mafutaga Fasitoo-uta Aukilani Niu Sila	\$132,000.00
2. Mafutaga i Sydney Ausetalia	\$283,650.00
3. Mafutaga i Brisbane Ausetalia	\$62,861.50
4. Mafutaga i Melbourne	<u>\$136,251.90</u>
AOFAIGA	<u>\$614,763.40</u>

AOFAIGA O ASIGA \$63,500.00

FOAIAALO MA TAMA FANAU, O FAAFEAGAIGA & EKALEZIA

117 le aofai = **\$461,263.20**

“Na ou fiafia ina ua latou fai mai ia te a’u, “Tatou te o i le fale o le Alii...ina ia vivii atu ai i le suafa o le Alii.” Salamo 122.

I'UGA SU'EGA KOLISI EFKS 2025
CONGREGATIONAL CHRISTIAN CHURCH SAMOA
OFISA O AOGA, EFKS

1. KOLISI MAUALULUGA A LE EFKS:

1.1. ILOILOGA - IUGA O SUEGA A LE MALO – TAUSAGA 12 SAMOA SECONDARY LEAVING CERTIFICATE 2025

AOGA: KOLISI O MALUAFOU

AOFAIGA TAMAITI SU'E: $200 - 6 = 194$ - (6 outstanding fees)

PASENE PASI (%) TAMAITI SASU'E: $160 \div 194 = 82j$ —

PASENE PASI (%) MATAUPU SASU'E

FAAVASEGAITUAIGAPASI:

E – Excellence: 85 – 100

M – Merit: 70 – 84

A – Achieved: 50 – 69

B – Beginner: 49 – 1

English $82 \div 104 = 79j$ —	M (10) A (72) B (22)
Communication English $45 \div 91 = 49j$ —	M (2) A (43) B (46)
Gagana Samoa $177 \div 182 = 97j$ —	E (1) M (58) A (118) B (4)
Mathematics $9 \div 74 = 1j$ —	A (9) B (65)
General Maths $32 \div 118 = 27j$ —	A (32) B (86)
Biology $7 \div 42 = 17j$ —	A (7) B (35)
Chemistry $17 \div 37 = 46j$ —	M (1) A (16) B (20)
Physics $3 \div 14 = 21j$ —	A (3) B (11)
General Science $12 \div 40 = 30j$ —	A (12) B (28)
Geography $28 \div 28 = 100j$ —	E (2) M (18) A (8)
History $23 \div 28 = 82j$ —	E (1) M (3) A (19)
Accounting $19 \div 38 = 50j$ —	A (19) B (19)
Economics $14 \div 38 = 37j$ —	M (1) A (13) B (24)
Visual Art $33 \div 48 = 69j$ —	M (7) A (26) B (28)
Food & Textile Technology $7 \div 43 = 86j$ —	M (6) A (31) B (6)
Computer Studies $154 \div 193 = 80j$ —	E (3) M (50) A (101) B (39)

Top Score: **332 Daisy Quandelaine Aliitasi Roebeck** (F) – Arts Programme English + 3 Best subjects : English 84 + History 85 + Geography 84 + Computer Studies 79

1.2. ILOILOGA - IUGA O SUEGA A LE MALO – TAUSAGA 12 SAMOA SECONDARY LEAVING CERTIFICATE 2025

AOGA: KOLISI O TEINE PAPAUTA

AOFAIGATAMAITI SU'E: 10

PASENE PASI TAMAITI SASU'E (%): $8/10 = 80j$

PASENE PASI MATAUPU SASU'E (%)

FAAVASEGAITUAIGAPASI:

E – Excellence: 85 – 100

M – Merit: 70 – 84

A – Achieved: 50 – 69

B – Beginner: 49 – 1

English $4 \div 10 = 40j$ —	A (4) B (6)
Gagana Samoa $10 \div 10 = 100j$ —	M (6) A (4)
General Maths $2 \div 10 = 20j$ —	A (2) B (8)
Biology $0 \div 3 = 0j$ —	B (3)

8. O LE SULU SAMOA FEPUARI 2026

Chemistry $0 \div 3 = 0j$ —	B (3)
Geography $2 \div 2 = 100j$ —	A (2)
History $1 \div 1 = 100j$ —	A (1)
Economics $1 \div 2 = 50j$ —	A (1) B (1)
Visual Art $4 \div 6 = 67j$ —	M (1) A (3) B (2)
Computer Studies $8 \div 10 = 80j$ —	A (8) B (2)

Top Score: **275 Racheal Lefia** (F) – Arts & TVET Programme English + 3 Best subjects : English 61 + Visual Arts 79 + Samoan 73 + Computer Studies 62

1.3. ILOILOGA - IUGA O SUEGA A LE MALO – TAUSAGA 12 SAMOA SECONDARY LEAVING CERTIFICATE 2025

AOGA: KOLISO TUASIVI

AOFAIGA TAMAITI SU'E : $66 - 10 = 56$ (10 outstanding fees)

PASENE PASI TAMAITI SASU'E (%) : $33 \div 56 = 59j$

PASENE PASI MATAUPU SASU'E (%)

FAAVASEGAITUAIGAPASI:

E – Excellence: 85 – 100

M – Merit: 70 – 84

A – Achieve: 50 – 69

B – Beginner: 49 – 1

English $24 \div 56 = 43j$ —	M (4) A (20) B (32)
Mathematics $3 \div 45 = 7j$ —	M (1) A (2) B (42)
Gagana Samoa $48 \div 56 = 86j$ —	M (16) A (32) B (8)
Biology $5 \div 16 = 31j$ —	A (5) B (11)
Chemistry $10 \div 12 = 83j$ —	M (4) A (6) B (2)
Physics $5 \div 9 = 56j$ —	E (1) M (1) A (3) B (4)
Health & Physical Education $0 \div 17 = 0j$ —	B (17)
Food & Textile Technology $3 \div 13 = 23j$ —	A (3) B (10)
Geography $6 \div 6 = 100j$ —	A (6)
History $0 \div 6 = 0j$ —	B (6)
Accounting $4 \div 13 = 31j$ —	M (1) A (3) B (9)
Economics $2 \div 14 = 14j$ —	A (2) B (12)
Visual Art $2 \div 3 = 67j$ —	A (2) B (1)
Computer Studies $31 \div 56 = 55j$ —	M (10) A (21) B (25)

Top Score: **305 Heather Leimania Megan Vaa** (F) – Science Programme English + 3 Best subjects : English 66 + Physics 85 + Computer Studies 79 + Chemistry 75

1.4. ILOILOGA - IUGA O SUEGA A LE MALO – TAUSAGA 12 SAMOA SECONDARY LEAVING CERTIFICATE 2025

AOGA: KOLISINUUAUSALA

AOFAIGA TAMAITI SU'E : $47 - 3 = 44$ (3 outstanding fees)

PASENE PASI TAMAITI SASU'E (%) : $16 \div 44 = 36j$

PASENE PASI MATAUPU SASU'E (%)

FAAVASEGAITUAIGAPASI:

E – Excellence: 85 – 100

M – Merit: 70 – 84

A – Achieved: 50 – 69

B – Beginner: 49 – 1

English 13 ÷ 44 = 30j—	A (13) B (31)
Gagana Samoa 35 ÷ 44 = 80j—	M (10) A (25) B (9)
Mathematics 0 ÷ 29 = 0j—	B(29)
Geography 8 ÷ 9 = 89j—	M (3) A (5) B (1)
History 4 ÷ 6 = 67j—	M (2) A (2) B (2)
Biology 0 ÷ 7 = 0j—	B(7)
Chemistry 3 ÷ 7 = 43j—	A (3) B (4)
Physics 0 ÷ 2 = 0j—	B(2)
Agriculture Science 0 ÷ 6 = 0j—	B(6)
Accounting 0 ÷ 5 = 0j—	B(5)
Economics 0 ÷ 5 = 0j—	B(5)
Visual Art 3 ÷ 11 = 27j—	A (3) B (8)
Computer Studies 11 ÷ 20 = 55j—	M (4) A (7) B (9)

Top Score: **302 Sepastrial Leaone Fidow (F)** – Arts Programme English + 3 Best subjects : English 59 + History 84 + Samoan 80 + Geography 79

1.5. ILOILOGA - IUGA O SUEGA A LE MALO – TAUSAGA 12 SAMOA SECONDARY LEAVING CERTIFICATE 2025

AOGA : KOLISIO LEULUMOEGA FOU

AOFAIGATAMAITISU'E : 76

PASENE PASI TAMAITI SASU'E (%) : 22 ÷ 76 = 29j

PASENE PASIMATAUPU SASU'E (%)

FAAVASEGAITUAIGAPASI:

E – Excellence: 85 – 100

M – Merit: 70 – 84

A – Achieved: 50 – 69

B – Beginner: 49 – 1

English 11 ÷ 76 = 14j—	M (1) A (10) B (65)
Mathematics 1 ÷ 31 = 3j—	A (1) B (30)
Mathematics 3 ÷ 45 = 7j—	M (1) A (2) B (42)
Gagana Samoa 65 ÷ 76 = 86j—	M (12) A (53) B (11)
Biology 0 ÷ 17 = 0j—	B(17)
Chemistry 1 ÷ 17 = 6j—	A (1) B (16)
Agriculture Science 0 ÷ 22 = 0j—	B(22)
Geography 4 ÷ 8 = 50j—	M (1) A (3) B (4)
History 2 ÷ 8 = 25j—	M (1) A (1) B (6)
Accounting 1 ÷ 14 = 7j—	A (1) B (13)
Economics 4 ÷ 14 = 29j—	A (4) B (10)
Health & Physical Education 3 ÷ 35 = 9j—	M (1) A (2) B (32)
Visual Art 15 ÷ 33 = 45j—	M (1) A (14) B (18)
Computer Studies 8 ÷ 49 = 16j—	A (8) B (41)

Top Score: **302 Poka Toma Maua (M)** – Arts Programme English + 3 Best subjects : English 77 + Geography 83 + History 71 + General Mathematics 71

2. AOGA FAAAUAU ALE EFKS:

2.1. AOGA MATATA ESEESE SALELOLOGA

[A] VASEGA FAAUU – TAUSAGA 2, 2025 – MAUA GALUEGA TAUSAGA NEI 2026:

Siata 1:

<u>POLOKALAME</u> <u>AOAOINA</u>	<u>SUAFA VASEGA</u> <u>FAAUU</u>	<u>TAUSAGA</u> <u>FAAUU</u>	<u>FALE</u> <u>FAIGALUEGA</u>	<u>AMATA</u> <u>GALUE</u>
CCCS Vocational School Certificate II in Electrical Engineering	Joe Ryan (<i>Top student</i>) Shayne Siolotuli Tunufai	2025 level 2 2025 level 2	EPC(Savaii) EPC(Savaii)	2026 2026

Faiaoga: Vaivai Tauiliili; E toalua alii sa i le polokalame lea, ua maua uma a laua galuega.

Siata 2:

<u>POLOKALAME</u> <u>AOAOINA</u>	<u>SUAFA VASEGA</u> <u>FAAUU</u>	<u>TAUSAGA</u> <u>FAAUU</u>	<u>FALE</u> <u>FAIGALUEGA</u>	<u>AMATA</u> <u>GALUE</u>
CCCS Vocational School Certificate II in Automotive Engineering	Sekati Ueni Fiailoa Matauaina (<i>Top Student</i>)	2025 level 2 2025 level 2	Self-Employed Engineer Self-Employed Engineer	2026 2026

Faiaoga: Charlie Banse FS; E toalua (2) alii sa i le polokalame lea, ua maua uma a laua galuega.

Siata 3:

<u>POLOKALAME</u> <u>AOAOINA</u>	<u>SUAFA VASEGA</u> <u>FAAUU</u>	<u>TAUSAGA</u> <u>FAAUU</u>	<u>FALE</u> <u>FAIGALUEGA</u>	<u>AMATA</u> <u>GALUE</u>
CCCS Vocational School Certificate II in Tourism	Tracey Kolose Taisali Taa'i Vaifale (<i>2nd to Dux 2025</i>) Elizabeth Luatimu (<i>Top student; Dux 2025</i>)	2025 level 2 2025 level 2 2025 level 2	Mc Donald Restaurant SPBD(Savaii) Tatou Finance	2026 2026 2026

Faiaoga: Varenia Apelu & Sala Sailivale. E toaono (6) tamaitai sa i le polokalame lea, ae toatolu (3) tamaitai ua maua galuega i le taimi nei.

Siata 4:

<u>POLOKALAME</u> <u>AMATA/A'OA'OINA</u>	<u>SUAFA VASEGA</u> <u>FAAUU</u>	<u>TAUSAGA</u> <u>FAAUU</u>	<u>FALE</u> <u>FAIGALUEGA</u>
CCCS Vocational School Certificate II in Plumbing & Sheetmetal	Aukusitino Taa'i Hetareti Faranisisi Elizabeth Keilani Muaola Sagato Stella Golovale Tulaga (<i>Top student</i>)	2025 level 2 2025 level 2 2025 level 2 2025 level 2 2025 level 2	O le aso 16 Mati 2026 lenei, e leai se isi ua faigaluega. O loo faatali pea se tali mai o le Ofisa o le Vai (SWA) i nisi tusi talosaga. E lē talafegai(<i>Not applicable</i>)

Faiaoga: Fapiano Pilitati. E toafā (4) sa i le polokalame lea, e toalua tamaitai (2), toalua foi alii (2). E leai se isi ua faigaluega i le taimi nei. O loo tālia ni avanoa faigaluega sa talosagaina i nisi o Ofisa pei o le SWA.

[E] O ISI POLOKALAME AOA OINA – TAUSAGA 1, 2025:

POLOKALAME AOA OINA	AOFAIGA O TAMAITI	FAAILOGA FAAPITOA
CCCS Vocational School Certificate I in Tourism	7 tamaitai	1 st in Communication Skills 1 st in Mathematics * Dana Pati Lila 1st in Computing * Sunema Pati Tapu Most Improve Student in Hospitality Level 1 (Varenia prize) Secilia Kitiona Top Student in Cookery Level 1 (Varenia prize) * Aunofo Pati
Samoa Certificate 1 in Trades Foundation Skills	34(22 tamaitai, 12 alii)	1 st in Communication Skills Darby Amataga 1 st in Computing Molia Tali 1 st in Mathematics * Alofa Aiva Seumanu Alesana * Leeroy Vito Valaau

2.2. AOGATUSIATA & FALEMATAAGA

[A] VASEGA FAAU 2025 TAUSAGA 3 – FAAFAIGALUEGA TAUSAGANEI 2026:

POLOKALAME A'OA'OINA	VASEGA FAAU – TAUSAGA 3, 2025	FALE FAIGALUEGA
-----------------------------	--------------------------------------	------------------------

DIPLOMA OF FINE ARTS LEVEL 5 & AOGAMAUALULUGA

Diploma of Fine Arts Level V	SUAFA	FAAILOGA FAAPITOA	
	Cedric Elisara	Dux 2025, 1 st in Drawings, 1 st in Painting, <u>1st in Graphic Design</u>	NUS student enrolled in the Bachelor of Education programme 2026
	Chris Eti		Self-employed Carpenter
	Ian Lui		Self-employed Carpenter
	Maota Peni		Self-employed Carpenter
	Matootua Kirisimasi		Self-employed Carpenter
	Pelenato Tomasi	1 st = in Printing Medi	Self-employed Carpenter
	Setu Seu		Self-employed Carpenter
	Tino Tevita	1 st in Carpentry, 1 st = in Printing Media	Self-employed Carpenter
	Toatasi Leano		unknown
	Tomasi Kapeteni	1 st in Contextual Studies, 1 st in Carving, 1 st in Samoan, 1 st * in Mosaic	Teacher at EFKS School of Fine Arts

E toasefulu (10) alii o le Tausaga 3 sa faauu i le faailoga Diploma in Fine Arts ia Novema 2025. E toavalu (8) ua maua galuega, toatasi (1) ua faaauau le aoga mo le faailoga Bachelor of Education i le Iunivesite o Samoa.

[E] TAUSAGA 2, 2025 - Certificate of Fine Arts Level 3

**POLOKALAME
AOAOINA**

**TAUSAGA 2, 2025
CERTIFICATE OF FINE ARTS LEVEL 3**

**FA'AAUAU FAAILOGA
MAUALUGA TAUSAGA 3, 2026**

**Certificate of
Fine Arts Level 3**

SUAFA

FAAILOGA FAAPITOA

Neemia Maotua

Diploma in Fine Arts Level V,
CCCSSFAM

Pio Pitoalii

Diploma in Fine Arts Level V,
CCCSSFAM

Vessy Talalupe (F) Lava Hotel Outstanding
Student for Second Year

Diploma in Fine Arts Level V
CCCSSFAM

E toatolu (3) i latou o le Tausaga 2 leni sa aotauina ma faauu i le Tusi Pasi Certificate of Fine Arts Level 2 ia Novema 2025. E na o le toatasi le tamaiti, Vessy Talalupe mo le aoga atoa.

[I] TAUSAGA 1, 2025: E 15 tamaiti (o alii uma) sa faaulufale i le vasega faavae i le tausaga ua mavae 2025. Ae toasefulufa (14) tamaiti sa toe foi mai e faaauau aoaoga faa-atisi mo le polokalame Certificate of Fine Arts Level 3 i lo latou tausaga lua leni 2026.

Viia le Atua,
Faatonu Aoga, EFKS.

OSIGA FEAGAIGA EFKS MATAUTU, FALELATAI

“O loo fetalai mai le Alii, Faauta, e oo i ona aso ou te osia ai le feagaiga fou ma le aiga o Isaraelu, ma le aiga o Iuta...e fai foi a’u mo latou Atua, o i latou foi e fai mo’u nuu.” Iere 31:31 & 33.

O le toe aso o le masina nei na osia ai le feagaiga a le EFKS Matautu Falelatai ma lo latou tofi, susuga Semikueva Su’a FS ma le faletua ia Florence, e sui atu ia Rimoni Wright FS na maliu 25 Tesema 2023. O le Toeaina o le Pulega Falelatai ma Samatau, susuga Caesar Samuelu FT na ta’ita’i le sauniga ma fai le Lauga, a o le A’oa’o Fesoasoani na ia faitauina le Tusi Paia. O le sauniga na faatumulia i Toeaina, Faifeau ma Faletua; sa auai foi le afioga i le Palemia ma sui o le Malo, faapea le mamalu o aiganalua ma le Aiga Tauaana. O le afioga i le Tama Aiga le Ao mamalu o le Malo, a o le A’oa’o Fesoasoani sa tausia le galuega, susuga Tuimalealiifano Vaaletu’a Sualauvi II, na fai ma sui o le ekalesia e molimau e tusa ma la latou filifiliga. O le masina o Aokuso 2025 na fai ai la latou palota i faifeau e to’ a 4, na manumalo ai le faifeau ia Faasaoina Komiti FS mai Fusi Safotulafai, a e lona lua ai le susuga Semikueva Su’a FS. Peita’i o le masina o Tesema 2025 na logoina ai i latou e le Toeaina o le Pulega Safotulafai, ua aveeseina tofi ekalesia/faifeau o Faasaoina.

Na fono le aulotu ma fai le filifiliga, e faamamalu le i’uga o le palota sa fai, ma tasi ai le finagalo e valaau loa Semikueva sa tulaga lua ma le faletua mo le galuega. E maualuga le faatuatuaga, o le faasinoga lea a le Atua mo i latou. Sa logoina loa le faifeau e tusa ma le i’uga ua fai, ma sa talia lelei le savali. Sa latou tau fai finagalo malilie loa ina ia lava se taimi e tapena lelei ai itu uma, ma faatulaga ai e pei ona i ai leni aso.

Sa tali fuaitau le faifeau i le agaga o le faafetai i le Atua mo le valaau e ala i le faatofalaiga a le paia o le Ekalesia, o le faafetai i le tapuaiga a matua, aiga ma le nuu i Vaovai, o Toeaina ma Faifeau a le matagaluega Falealili Safata Siumu, o uo ma paaga i le Tala Lelei. O Semikueva na i’u mai Malua i le 2011, ona galue lea i le MAK e oo mai ina valaauina. O Toeaina o le Matagaluega Aana, Taise Ioapo FT, Simona Perefoti FT, Tuitoga Leota FT, na faae’e aao; a o Asotasi Time FT, Tautiaga Senara FT, Hon. Tuimalealiifano ma Hon. Laaulialemalietoa, na latou faafeiloa’i ma faamanuia i le faifeau ma le faletua. Na tualuga le sauniga i le Sakarameta o le Faamanatuga, na ta’ita’i e le faifeau. Ia manuia le galuega; ia viia le suafa o le Alii. ***(F.T.)***

O E UA FAI I LAGILE FOLAUGA

SAOFAIGA TUALAMAALII

REUPENA FATIALOFA

Soifua mai: Aso Sa, 6 Iuni 1937

Maliu: Aso Lulu, 22 Oketopa 2025

O Saofaiga Tualamaalii Reupena Fatialofa na soifua a'e mai lona aiga o Feuumalegalu i Lepa. O lona tamā o Fatialofa Alaifatu II o Lepa, a o lona tina o Tolilulu Tuigamala Setefano o Fasitootai. Na faaiipoipo atu ia Tualamaalii Kerita Reupena o Matatufu ma Nuusuatia i le tausaga 1955 i Lepa i le taitaiga a Rev. Elder Solomona mai Aufaga. E toa 8 lana fanau, e 50 fanau a lana fanau, a e 12 fanau o fanau a lana fanau. Na valaau le Atua i le tama o le aiga ia Iuni 1979, ona tausī mai lava lea e le tina o lana fanau ma ona matua.

Na sii ma'i i Brisbane i le 1998, na manuia lona taotoga i le gaseagse o le kanesa. Sa fa'auau ai loa ona nofo i Ausetalia i tausaga e 27, ma mafuta ai ma le toatele o lana fanau ma a latou fanau seia o'ona valaauina e lona Matai. E maliu nei le tina ua 88 tausaga 4 masina ma aso e 17 lona soifua. E viia le alofa o le Atua ona o lana meaalofofa i le fanau ma le aiga e ala mai ia Saofaiga Reupena Fatialofa. O se tina e alofa i lana fanau ma le aiga. A e sili foi ona alofa i le Atua e ala i le tautuaina o lana galuega. O lana vaisū o le tatalo. Ai o le ala foi lea na faamanuia ai le Alii ma fa'aaogaina ai lana fanau e to'afa e fai ma vaa ma ipu o lona finagalo paia.

Na toe maua le tina i le kanesa i le faaiuga o le 2024, ona o lona matua ua lē tatai ai nisi togafitiga. O lana lava faamalosiā, ia tautuana le galuega a le Atua. Ma, "IA OUTOU FEALOFANI." Na tausī lava i le fale seia valaau mai lona Matai a o loo i lima o le ulumatua o fanau a lana fanau. Tina, ua faafetai le tausī, ua malilie le fanau i lau tausiga, malo le onosai a o feagai ai ma tiga o le ola. Malo tautua!

O lona Sauniga faaleaiga na faia i le aso 30 Oketopa 2025 i le 5pm, i le Malumalu o le Ekalesia Penieli, na taitaiina e le susuga ia Tufuga Inaki. Na molimau nisi o aiga ma fanau o fanau, aemaise le fanau a le olomatua: Rev Kerita Reupena, Rev. Makisua Reupena ma Mati Vaiula Reupena. Ona mapu ai lea i malologa o le po.

O le aso 3 Novema na tu'ua ai Brisbane Ausetalia, taunuu i le itula e 7am o le aso 4 Novema 2025, i le malae vaalele i Faleolo. O Rev Tavita Maliko ma Tufuga Inaki na faia le sauniga faafetai ua tau manuia mai le malaga. Na mapu atu ile Fanaega o Lialiga mo sina taimi, ona sauni lea mo le molimoli atu o lona sa i lona aiga i Lepa i le 4 i le afiafi. Na talosia le malaga i Lepa i le sauniga na fai e le faifeau o Tufuga Inaki.

O le aso 5 Novema 2025 i le 10 am, na fai ai lona toe Sauniga i le Malumalu o le EFKS i Lepa. Na taitaiina e Rev Elder Faasalafa Alovae (Pulega a Lepa ma Lotofaga). O Rev. Malo Afi'a (Aufaga) na momoliina lona sa i totonu ma le faitauina le Tusi Paia. O le susuga ia Rev. Tavita Maliko (Lepa) na faia talosaga, a o le toaina Rev. Elder Moli Moli (Matautu-tai) na faia le upu faamafanafana. Na molimau nisi o aiga male nuu: Tuilaepa S. Malielegaoi sui o le nuu, Tuigamala Leiite, o le sa'o o le aiga i Fasitootai, Naomi Suafai Patu, uo mamae a le olomatua.

Na tualuga i molimau a le fanau: Rev Kerita Reupena, Rev. Tapenaga Tauetia Reupena, Uputasi Paama, Setu Iosefo Reupena & Teipe Reupena. Ona faai ai lea i le sauniga i lona oliolisaga tumau i lona fanua "Nofoga o le I'a," na ta'ita'i e le susuga ia Tufuga Inaki ma faatofa atu ai i le Pese a le au Kerisiano – Talofa uso e, tofaina oe.

"O lo'u ola o ia Keriso lea, a'o lo'u oti o lo'u manuia lea."

Alofaaga e le mavae.

Saunia Rev. Tapenaga Tauetia Reupena,
EFKS "Matagofie ole Atua ile Toafa" Mt Isa.
MATAGALUEGA KUINISELANI I SAUTE

"Auā afai tatou te ola, tatou te ola mo le Alii, pe afai e oti, e oti mo le Alii; o lenei pe ola pe oti i tatou, o tagata lava o le Alii i tatou."

LEITUALA MARINA TAFU
SAGALALA LEITUALA
Soifua mai: Aso Lulu, 25 Mati 1942
Maliu: Aso Faraile, 6 Fepuari 2026

O le afioga ia Leituala Marina Tafu Sagalala Leituala o le Tiakono Tama'ita'i matua o le EFKS Tafitoala i le Pulega Safata, Matagaluega Falealili Safata Siumu. Na soifua mai o ia i le Aso Lulu, 25 Mati 1946. O ona tua'a: o lona tamā o Leituala Sagalala Leituala o Tafitoala, a o lona tina o Lesina Aulavemai Vagai o Vaimoso. A o lona tupuaga, matua o lona tamā ia Leituala Sagalala, o Le'imoa So'aga o Tafitoala le tamā, ma Naituā Ti'a Situpea o Salelologa le tina. O ia le ulumatua o le usoga e to'a 6, o tuagane ia Tuatagaloa Leka ma Taula Leka, ma uso ia Mealamu Mika Ramoni (ua maliu), o Akenese Pauli Leituala, ma Tuugaupu Anae Leituala. Na faaipoipo atu ia Pili Tinei o Elise fou ua maliu. E to'a 12 lana fanau, 20 fanau a lana fanau, ma le to'atasi o fanau, a fanau a ana fanau; e 42 i latou na tutupu mai ia te ia. Ua 83 tausaga, 10 masina ma le 13 aso le matua o lona soifua. E maliu nei o ia o loo ia umia le suafa Leituala – o le Pitoua o Satunumafono, o loo faasa'osa'o i lo latou aiga.

O se tina e tumu i le alofa i lana fanau ma latou fanau, faapea lona aiga atoa. E galue malosi ma faamaoni i upu fai ma le tautuaina o lona nuu ma lona itumalo. O se auuana e malosi le faatuatua i le Atua, e uuna'i lana fanau ina ia toaaga i sauniga lotu ma faamalolosi e tautua le galuega a le Atua. O se tina e faamaoni e tautala sa'o i le mea o i lona lotu, e lē 'alo pe natia sona tete'e i se mataupu na te silafia e lē fetai, peitai e lē faumalo a e lolo lona taofi i le mea e fulisia i ai lona aiga po o le ekalesia. E manatu nisi e sauā, peita'i o lona alofa moni e a'oa'i ai lana fanau, ma soo se isi ia potu ma lelei lona olaga. A o se tina foi e agamālie, e tusaafia ona uiga faafiafia lotu, faatupu mafanafana i totonu o mafutaga. Sa saili i ai le tofa, sa faamoemoe foi i ai le faautaga, auā o ia foi e taulamua e faatino ni faai'uga fai. E osiosi ona aiga, e lē 'alo i soo se faalavelave.

Na faataotolia o ia i gasegase o le tino, ona saili togafiti lea i Niu Sila, a o tapua'i lona aiga ma lana ekalesia; sa asia e lana feagaiga le susuga Tanuri Pesaeli FS, peitai na i'u ai lava lana tauiviga ma le gasegase o le kanesa ma maliu ai. Na molimoli mai lona tino maliu i Samoa nei; sa faatali atu ma faia le sauniga puupuu i Faleolo, ma molimoli atu ai lona tino i le fagaena o Ligaliga i Tanumalala e mapu ai.

O le itula e 3pm o le Aso Faraile 20 Fepuari 2026 na faia ai le sauniga lotu, na ta'ita'i e lana feagaiga le susuga Tanuri Pesaeli FS, e aveeseina ai lona tino maliu mai Tanumalala, ma momoli atu i lona aiga ma lona nuu i Tafitoala. Na taunuu atu i le malumalu o lana ekalesia sa tautua ai i lona Matai, le EFKS Tafitoala ma faia ai lona Sauniga Faaleaiga. O le susuga Faatafa Nefu FS o le EFKS Alamagoto na ia ta'ita'iina le sauniga. Na molimauina ai le soifua o le tina e lana fanau, o uso ma sui o le aiga, tainane ana uo ma paaga. Ona mapu atu ai lea o lona sa i lona aiga mo malologa ma leoleoga o le po.

O le Aso Toonai 21 Fepuari na faia ai lona Toe Sauniga, i le malumalu o le EFKS Tafitoala. O le susuga Tanuri Pesaeli FS na ia ta'ita'i le sauniga. Na momoli faaulufale atu i totonu o le malumalu le sa o le Tamaitai Tiakono ia Leituala Marina Tafu, e Faitoaga Ti'a Tolua FS (Faatonu Sulu Samoa, e uso la'ua tamā). O le Tusi Paia na faitauina e le susuga i le A'oa'o Fesoasoani o le Ekalesia, a o talosaga na saunia e le afioga i le Tiakono, le Fesoasoani o le Ekalesia Katoliko i Tafitoala. O le lauga/Upu faamafanafana na saunia lava e le ta'ita'i o le sauniga, faatasi ai ma le molimau faaopopo i le soifua faaleagaga o le Tamaitai Tiakono.

O molimau o le soifua o Leituala Marina Tafu na saunia e le uso ia Ake Pauli Saumani Lafaele, faapea nisi o le fanau, o sui o le aiga, ma le sui o le aulotu na filifilia i ai se tasi o Tina Matua, o le sui foi o le Mafutaga Tina. Na ia molimauina ai se auuana lotu i le galuega a le Atua i soo se itu. Sa avea ma Taitaipese, Faia'oga Aso Sa a o maua lona malosi, aemaise le ta'ita'iina o le Mafutaga Tina. Na faai'u le sauniga i lona oliolisaga tumau, i le fanua o lona aiga i Tafitoala uta ma lagomau ai. O le susuga lava ia Tanuri Pesaeli FS na ta'ita'i, ma matou faamavae atu ai ia Leituala Marina i le pese faamavae a le au kerisiano, Talofa uso e, tofaina oe; ua sau le itupo e malolo. E tumau le faamoemoe ia Iesu, ta te toe feiloa'i ai. Tofa Tina, lau afioga le Tamaitai Tiakono, Leituala Marina Tafu. Na faai'u le aso fiafia o le tamaitai tiakono, i tausamiga ma fa'aaloaloga masani, sa tu tootoo ai le afioga Anae Pita Anae. Ia saga faamafanafanaina le fanau ma le aiga, faapea le susuga faafeagaiga ma le faletua ma le ekalesia, ina ua fa'ia se tasi o poutu toa o le galuega. Ia i le Atua le viiga, ona o lona soifua faatuatua.

Saunia e Faitoaga Tolua FS,
Faatonu Sulu Samoa

ATA O E UA MALILIU & TALA LOMIA

LEITUALA MARINA TAFU
SAGALALA LEITUALA



SAOFAIGA TUALAMAALII
REUPENA FATIALOFA




Ao Mamalu o le Malo ma lana Faafeagaiga



Vaaiga masani i soo se Aulotu i le Faamati



Vaaiga masani Mafutaga Tina EFKS



Vaaiga masani o le Aso Sa Laupama